



Universitäts- und Landesbibliothek Sachsen-Anhalt

urn:nbn:de:gbv:3:1-383452-p0001-5

DFG



Universitäts- und Landesbibliothek Sachsen-Anhalt

urn:nbn:de:gbv:3:1-383452-p0002-1

DFG



Universitäts- und Landesbibliothek Sachsen-Anhalt

urn:nbn:de:gbv:3:1-383452-p0003-6

DFG



Universitäts- und Landesbibliothek Sachsen-Anhalt

urn:nbn:de:gbv:3:1-383452-p0004-2

DFG

1697.

1. Beckmannus, Fridericus : De Martino, Episcopo Tironensi
2. Beicus, Adrianus : Clades ex proprio gladio seu
de reforsioribus.
3. Beicus, Adrianus : De optione ad heredes transito-

via.

1697 Beicus, Adrianus : De conjuncta manu. 2 Sept. 1697

1709.

5. Beicus, Adrianus : De iustis iuris induciis.
6. Beicus, Adrianus : De cessione bonorum.
7. Beicus, Adrianus : Recensio de creditorum
8. Brucknerus, Wilhelm Hieron : In voluntario ad audiendum
lectionem cursoriam (Fridericus Tiron), occasione cuius
dissentit de constitutis arbitris Toscianis Imp. ecclesiasticis.
Ficis.

9. Brucknerus, Wilhelm Hieronymus : De iuris dictioris con-

stitutis . . .

1697 Brucknerus, Wilhelm Hieronymus : De clandestinis sponsa-
libus iuratis



1697.

11. Grausius, Rudolphus Wilh., Decanus collegii medicis.
Proprietatum: De symbolismo alterationum corporum
coelestium et terraeorum / Disputationis inaugurali
Georgii Henrici Rosenberg (præmissione)

12^o et 13^o Friesen, Joh. Bernhardus: De conventione neorganatica
2 Sept. 1697 - 1737.

13^o, 14^o Lyncker, Nicolai Christophorus: De jure tuis peculii mil-
itarii. 2 Sept. 1697 - 1753.

14. Lyncker, Nicol. Christophorus: De militia togata

15. Muckens, Joh. Jacobus: De occisione furi nocturni.

16^o et 17^o Muckens, Joh. Jacobus: De jure partis majoris.
2 Sept. 1697 - 1751.

17. Wedelius, Georgius Wolfgangus: De spiritu vini.

18. Wildvogelius, Christianus, Collegii iurid. decanus: De phile-
stropia vel 1. 2. d. si proponet. Programma in ang. electioni
censoriae Dr. Christophori Bottiger præmissione



1697.

19. Wildvogelius, Christianus, Collegii iuri. decanus:

De regradatione ad 1.-2. C. Th. De curs. pall. et. 1.3

C. d. omnes l. et. protect. / Programma in ang (lectionis
cursoriae Christiani Balthazar praemissum).

20. Wildvogelius, Christianus, Collegii iuri. decanus:

De stellatura ad 1.2. P. de crag. m. l. s. ann. Program-
ma in ang. (lectionis cursoriae Wilhelmus Pueches praec-
missum).

21. Wildvogelius, Christianus, Collegii iuri. decanus: Recita-
tus ad 1.2 P. u. dignit. odo sors. Programma in ang.

(lectionis cursoriae Christophi Ponsar. Baumgärtner praec-
missum).

22. Wildvogelius, Christianus, Collegii iuri. decanus:

Re imaginibus majorum ad 1. 22. P. ~~Traductio~~
min. l. s. f. Programma in ang. (lectionis cursoriae
Johannus Ernesti Schellhase praemissum)



23. Wildoegel, Christianus : De jure portarum .
24. Wildoegelin, Christianus : De jure verillorum . .
25. Wildoegelin, Christianus : De eo, quod iustum
est circa tempestates . .



1697,21 26
CHRISTIANI VVILDVOGELII. JC.

CONSILIARII SAXO · VINAR. AULICI

ET ANTECESS.

COLLEGII JVRID. h.t. DECANI

DE.

VACANTIBVS.

L.II. C. ut dignit, ordo serv.

PROGRAMMA INAVGVRALE.

P.P. Jenæ. d. XVIII. Julij. A.O.R. M. DC. XCVII.

JENÆ,

Litteris Mullerianis 1697;

Onorem non ingens



tantum ad Virtutem incitamentum, sed & justissimum ejusdem præmium esse, una Politorum ac JCtorum vox est, pari omnium consensu emissa. Quamvis enim virtus ingenii humani dos sit ob sui ipsius incomparabilem præstantiam omnibus expetenda votis, vix tamen inter mortales (quæ est humanæ mentis imbecillitas) quisquam reperitur, qui ad eandem enixè contendat, nisi emolumentum quoddam ad se redundaturum expectet. Hinc præmiis ad virtutis semitam calcandam inducere homines & speciosa honorum pollicitatione calcar addere iis, qui in Rep. degunt, consultum visum est Legumlatoribus, quò & sic minori cum difficultate cives obirent ea, quæ ad tuendam civitatis salutem pertinent, & cuivis juxta legum dictata incumbunt. Verè nimirum & sapienter Aristophanes scribit:

ἢ τε γέ ο μιδὸς, ἢ δὲν εἰς ἡθὸν τέχνην.
i.e. Neque præmium ullum est, ars nec ipsa item viget.

Nec non Martialis:

Sint Mecanates, non deerunt, Flacce, Marones,
Virgiliusque tibi vel tua rura dabunt.

Pensarunt id sapienti animi aestimatione augustissimi Rom. Imperatores, quando amplissima laborum præmia iis proposuerunt, qui præclaris Remp. meritis sibi sint obstricturi, atque honorum ornamenti eos quām maximè cumulatum ivere, qui munus suscipere publicum, ac vires suas pro salute civitatis periclitari, imò vitam suam pro incolmitate civium profundere haud dubitaturi essent. Neque enim inani ambitione aut corruptionibus dignitatum fastigia acquireti sivere, sed jugi egregiarum virtutum exercitio parari voluerunt, quicquid aut ad nominis gloriae aut divitiarum amplitudinem nanciscendam ullo modo conducere posse videtur. Constat id ipsum (ut alia juris postri nunc taceam loca) in primis ex constitutione Imp. Theodosii

odosii & Valentiniani, qui in *L. fin. C. ad L. Jul.* repet. Florentio P. P. ita præcipiunt : *Sancimus*, ejusmodi viros ad provincias regendas accedere, qui ad honoris insignia non ambitione, vel pretio, sed probatae vitae & amplitudinis tuae solent testimonio promoveri. Quem textum compilationi sacrorum canonum inse- rere dignatus est Gratianus in *can. XXVI. caus. 2. qu. i.* Huc facit gravissima Zenonis Imp. sententia, quæ in *L. fin. C. d. Primicer.* sic enunciatur : *Illud præcipue provisionem vestram flagitare perspeximus*, ne per ambitionem, vel gratiam, aut cuiuslibet occasione obtentu, vel laborum seu solicitudinum specie, publicorum cuiquam liceat aliquando graduum seriem conturbare, & temporum ratione calcata dudum militibus anteferri, & quæ longis prolixisque stipendiis defensa jam pollicetur senectus, gratijs à festinatione surripere. Multa hinc legibus civilibus in odium Otiosorum, citra ordinis secularis & ecclesiastici discrimen, constituta reperimus. Nec enim permittebatur antiquitus, ut quispiam ex cohortalibus otio traditus quietis artibus sine indultu Magistratum superiorum immoraretur, prout loquuntur Augusti in *L. XI. C. d. cohortal. lib. XII.* Sic & veterabatur quondam, ne quis sub prætextu Decani seu Collegati, cum id munus non impleret, aliis sese functionibus subtraheret, neve sub specie munieris, quod minus exequebatur, alterius munieris oneribus relevaretur. Vnde si quis eorum sub nude appellationis velamine collegiatum seu Decanum se appellasset, pro ipso alium subrogari, qui predicto muneri sufficiens approbaretur, fancivè Impp. in *L. IX. C. d. Sacros. Eccles.* Et in *L. XLII. §. 10. C. d. Episc. & Cler.* prohibit Justinianus Imp. ne ex sola ecclesiasticarum rerum consumptione Clerici appareant, nomen quidem habentes Clericorum, rem autem non implentes Clerici circa liturgiam Domini Dei. Quos Clericos propterea Fratres otiosos vocat Barbola in *Prælect. d. Jur. sacr. ad d. l. 42.* Commode huc referre licet, quæ de VACANTIBVS hinc inde in Legibus Codicis constituta deprehenduntur. Nimirum VACANTES dicebantur, qui nullo certo corpori erant adstricti, aut nulla corpori cuidam societate conjuncti, sed extra istum numerum degentes, à curis & laboribus publicis planè erant alieni, prout vocem hanc Jac.

) (2 Go-



Gothofr. ad L. CXXXVII. C. Tb. d. Decur. interpretatur. Licet autem in d. Leg. nonnulli pro verbo *Vacantes* legere *Vagantes* malint, atque non nominis solum, sed & ipsius vitae inter eosdem sit quædam convenientia, id tamen displicet Gothofredo, qui propterea lectionem communem retinendam esse monet, in Comment. ad d. l. Vocabantur hi *Vacantes* etiam VACANTI NI, quas latinas voces Græcis in suam traducere linguam placuit, ita ut *Bανάντοις*, nec non *Βαναντίβοις* dicentur apud Suidam, Synesium & alios, quos connotat Meursius in Lexic. **Græc. barbar.** Neque tamen hi soli *Vacantium* nomine insigniebantur, sed tales appellabantur quoque, qui alias *Supernumerarii* dicuntur in L. XV. & XVII. C. Tb. d. Palatin. sive quos præter numerum consuetum in Collegium adsciverant Principes. Solenne namque id erat Romanorum Principibus, ut quos nec dum aliquo militiae aut officiorum genere decoratos vellent, aut non possent, inter *Vacantes* interim haberent, ita tamen ut preuentium locum obsequendi ordine mereri possent. L. fin. C. Tb. d. a gene. in reb. aut morte aliorum in decedentium locum promoverentur. Goth. ad d. L. fin. Vocantur hi Polloni & Lampridio Adscriptii, nec non *Alecti* & *inter Agentes*. Vid. L. ult. C. Tb. d. honor. codic. & L. I. C. d. Silentiar. Constabat igitur primis christianorum Impp. temporibus collegia atque in primis Domesticorum & Protectorum scholæ ex tribus hominum generibus, quorum alii erant *Laboriosi*, seu actu militantes: alii *Otiosi*, sive meritis nonnullis aut suffragiis agentium ipsorumvè Imperatorum in collegium cooptati, neque tamen quicquam laborantes: alii demum *Inuriles*, qui nihil unquam operæ vel in necessitatibus publicis vel expeditionibus bellicis navaverant. Hinc inter Comites quoque sacri Palatii erant, qui *Vacantes Comites* dicebantur, scil. qui post munus aliquod gestum & post comprobatos labores Comitivam primi gradus impetraverant, atque adeò honorabiles Viri vocabantur, iisque opponebantur, qui Comitivam gratia vel pretio obtinuerant, L. un. C. Tb. d. Comit. vacant. ab his præterea diversi, qui codicillarem saltem dignitatem adepti Honorarii dici consueverant. Tot. tit. C. Tb. d. honorar. codicill. Utut vero istorum, quos modo laudavimus, Imperatorum

270

ævo talismodi *Vacantes* & *Otiosi* in Rep. & corporibus tolerantur ; successu tamen temporis autoritas eorum partim diminuta , partim ipsi penitus exulare jussi atque inviti ad labores Reip. fuerunt protracti. Quod enim ad istos attinet *VACANTES*, qui presentes in comitatu illustris dignitatis cingulum meruerunt , hos post illos, qui in actu positi illustres peragunt administrationes , atque sic secundo loco ponendos esse , sancitur in *L. II. C. ut dignit. ord. serv.* In domesticorum quoque numero Laboriosos *OTIOSIS*, i. e. Vacantibus preferri voluerunt & ne abuterentur temporis privilegio ii, qui sibi potius quam Reip. omni militiae sue tempestate vixissent , prohibuerunt Arca dius & Honorius in *L. VI. C. Th. d. Domest.* Cæteros verò, qui *VACVI* publico inventi fuerint officio , in complexum ordinis *Naviculariorum* applicari , jusserunt Gratianus , Valent. & Arca dius in *L. III. C. Th. d. Naufrag.* quæ in Codice Justinianeo sub eodem titulo extat quidem , verùm à Triboniano interpolata & truncata. Idem Imp. in *L. III. C. Th. d. Tabular.* mandant, ut si aliquem ex Curialibus aut fatalis necessitas , aut inopia repentina , aut aliquis casus subtraxerit, ex *VACANTIBVS fidâ per vestigatione compleantur curiæ & officia.* Sic & Theodosius M. in *L. CXXXVII. C. Th. d. Decur.* jubet incolas & *VACANTES*, qui tamen idonei sunt , adstringi officiis curiarum. Idem statuit Honorius in *L. CLXXIX. C. Th. d. t.* dum *VACANTES* & nulla veterum dispositione ullius corporis societati conjunctos curiæ atque collegiis singularum urbium voluit subjugari. Quin & qui de minusculis corporibus aut certe *OTIOSIS* idoneus approbatus fuerit , functioni *Mancipatus* addici jubetur in *L. un. C. Th. d. Mancip.* Saluberrimas hasce sacratissimorum Imperatorum constitutiones cuncti , qui Reip. gubernaculis præsident , jure meritoque observant , quando nec *Otiosos* & *Vacantes* in civium numero tolerant , nec ab ipsis honorum præmia illis , qui labore suo publicum promovent commodum , præripi concedunt. Nihil enim à virtutum tramite homines efficacius retrahit , quam si ad dignitatis fastigium eos elevari cernunt , qui nec meritis clari , nec laboribus aslueti , sed ignaviæ pravisque voluptatibus dediti , aut ambitione vana tumidi ab omnibus noscuntur. Quam ob rem gravissimè iterum pronunciaverunt Imp.

in L. I. C. Tb. ut dignit. ord. serv. Nihil esse tam injuriosum in conservandis & custodiendis gradibus dignitatum, quam usurpationis ambitionem. Cæterum ab istis, quos perstrinxí hucusque, otiosis atque vacantibus longissimè abest, quem jam in Patrum Academiæ conspectum producimus, solertissimus Jurium Cultor, nunc Candidatus dignissimus

DN. CHRISTOPH. CONRADVS Baumgårtner.

Hic enim, quemadmodum per temporis illud spatium, quo in Academiis vixit, Vacunæ non litavit, sed in Themidos castris stipendia meruit amplissima, ita quoque dignus à Collegio nostro æstimatus fuit, cui honorum conferantur insignia atque impertinentur tituli, qui strenuis juridicæ artis cultoribus ab Imperatoria Majestate sunt destinati. Quò verò de honestis Candidati nostri natalibus, vitæ egregiè actæ curriculo & eximiis hucusque exantlati laboribus eò plenius constet, pro more in Academiis recepto de ipso in sequentibus edifferere constituimus. Quemadmodum is patriam minimè obscuram, Pappenheimium nimirum, quod illustrissimorum Comitum Pappenheimiorum, Sacr. Rom. Imp. Mareschallorum inferiorum & Potentiss. Elect. Saxo. Vicariorum hereditariorum arx & potissimum oppidum audit, ex Numinis prouisu nactus est, ita & de nobilissimis sibi gratulari habet genitoribus. Patrem celebrat nobilissimum & excellentissimum Virum Dn. GEORGIVM FRIDERICVM Baumgårtner/ tunc quidem Comitum Pappenheimiorum Syndicum, postmodum verò Serenissimi Marchionis Onoldo. Brandenburgici Consiliarium Cameræ, avumque paternum Dn. JOH. CHRISTOPHORVM Baumgårtner / J.U. Doctorem & Serenissimorum Marchionum Brandenburgicorum in provinciali, quæ Onoldi floret, curiâ Consiliarium atque Assessorem gravissimum ; Matrem verò laudat eminentis virtutis fœminam SABINAM DOROTHEAM, ex Theologo maximè venerabili Dn. ANDREA IMVERDARIO, qui Serenissimo Principi Onoldino à confessionibus, consiliis ecclesiasticis & concionibus aulicis erat, prognatam. Qui parentes optimi, etsi pignus hoc sibi divinitus creditum dexterimorum præceptorum, quos domi alebant, industriâ mature poliendum curaverint, non tamen curas suas eosque, donec illud ad perfectam componeretur animi pulchritudinem,

nem, jungere valuerunt, patre ipso inopinatâ ac præmaturâ mor-
te inter incredibiles totius familiæ planctus abrepto. Relictus sic
Noster curæ soli mœstissimæ & cum viduarum acerbiore fato con-
flictantis genitricis, ingentem studiorum adhuc teneriorum remo-
ram experiri facile potuisset, nisi *Serenissimi Principis*, Patris Pa-
triæ munificentissimi, auxilium intervenisset, atque orbatum Pa-
tre ad illustre *Heilbrunnense gymnasium*, levatâ quadantenus ja-
cturâ, promovisset. Ibi verò magistros docendi artificio admodum
claros adeptus, non tantum ex ambrosio ore Viri de Ecclesia &
gymnasio egregiè meriti Dn. M. MARTINI CLEMENTIS COE-
LERI religionis ab humanis commentis repurgatae præcipua capita
hausit, sed etiam sub percelebris, qui toti gymnasio præest, Dn. M.
JOH. FRIDERICI KREBSII, atque clarissimi Dn. M. JOHAN-
NIS STVBNERI auspicatissimo ductu in humanioribus, quas
vocant, literis & quavis Philosophiæ parte eximiè profecit. Iis ita-
que studiorum fundamentis, quorum potissimum causâ gymna-
sia frequentatur, cum laude singulari jactis, academicas quoque
palæstras ad acquirendum eruditionis fastigium visitare decrevit,
atque hinc florentissimæ nostræ Salanæ famâ longe lateque diffu-
sâ allectus, & sapientissimorum virorum, ex quorum nutu in-
conficiendo studiorum cursu pendebat, consilio confirmatus, ad
nostras Musas anno hujus seculi nonagesimo tertio accesit. Hic
verò primò omnium, ut pectus suum scientiæ avidissimum soli-
diori artium philosophicarum cognitione uberioris paulò imple-
ret, Collegam nostrum pro salute Academiæ cum invidendo bo-
norum applausu magnoperè laborantem, excellentissimum mo-
ralium Professorem, Dn. HEBENSTREITIVM, cum lectioni-
bus publicis pariter ac privatis *theoreticam & practicam Philo-*
phiam illustraret, ingenti mentis alacritate auscultavit. Nec mi-
nus duo fulgentissima Jurisprudentiæ lumina venerabatur, quan-
do nunc illustrem Dn. NICOL. CHRISTOPH. LYNCKERVM
Sereniss. Duc. Saxo-Vinar. Consiliarium Status intimum, ac Su-
premi Consistorii Sacri Præsidem gravissimum, nec non Collegi-
orum Juridicorum Jenens. Ordinarij, publicè *Jus Canonicum*,
privatum universi *Juris* principia explanantem, nunc Magnificum
collegii juridici Seniorem & Antecessorem longè celeberrimum
Dn. JOH. PHILIPPVM SLEVOGTIVM, *Juris publici* præcepta
pecu-

peculiari operâ inculcantem sedulus audiebat. Neque nihil meis prælecti-
onibus publicis, quas in *Struvianum Juris civilis Syntagma* adornavi, ut
& reliquorum Professorum Scholis debere sese profitetur. Publicorum
Doctorum dexteritati in ornando & instruendo Nostro suam quoq; ope-
ram adjunxit nobilissimus Jurium Doctor Dn. JOHANNES CHRISTI-
ANVS SCHROETERVS, Curiæ provincialis Advocatus ordinarius,
cùm universum Juris ambitum privatos intra parietes commonstraret.
Vtut verò insignem Juris peritiam, qvam aliquoties ad publica Oppo-
nentis munia admissus Iuculentis de se prodiderat documentis, apud
nos sibi Noster comparasset, ingenti tamen, qui excitatae indolis impe-
tus est, flagrabat desiderio, Lipsiam quoque, præcipuum illud Saxonæ
decus, adeundi, & quæ ibi ad stuporem seculi loqvuntur disertissima
Juris oracula, ad suos constabiliendos amplificandosque profectus vi-
sendi. Nempe tacitâ defixus admiratione exaudivit ibidem Magnifi-
cum Dn. MYLIVM, *Institutiones Justinianeas* publicè explicantem,
Excellentissimum Dn. FRANCKENSTEINIVM, *Juris publici* funda-
menta ad Institutionum Rhetianarum ductum, nec non *Historiam*
præcipiorum, quæ nunc in orbe florent, Regnorum eruditissimè tra-
dentem, Consultissimum Dn. PHILIPPI omnes Juris materias *Synopsi* suâ
comprehensas domesticis commentationibus illustrantem, pariterque
de eo, quem istæ in foro præstant, usu, singulari methodo exponentem.
Confecto sic studiorum academicorum cursu exantlatisque feliciter la-
boribus, ad nostram hanc Universitatem, in qua prima studii juridici
fundamenta jecerat, reversus, præmium virtutis promeritum expete-
re constituit atque hoc suum laudabile desiderium ordini nostro mode-
stè aperuit. Nos honestis hisce petitis eò lubentius velificati sumus,
quò certius nobis de egregiis Candidati hujus eximii profectibus jam
antè constitit. Admisimus igitur eundem ad consueta examina, & in utro-
que talem invenimus, qui omnium suffragio dignus esset, ut ad reliqua
specimina publica admitteretur & honorum condecoraretur titulis am-
plissimis. Quare cum cœlestina luce hora X. pomeridiana ad recitandam
lectione, quā cursoriam vocant in *L. ult. C. d. revoc. bis que in fraud. credit.*
cathedram sit consensurus publicam, Magnificum Dn. RECTOREM,
Aulæ Academiæque proceres, nec non Doctores, Magistros & doctos
reliquos, ut constituto tempore frequentes in Acroaterio juridico con-
fluant, suaque benevolentia & attentione optimi Candidati laudabiles
operas cohonestent, officiosè & peramanter rogo. P.P. Jenæ,
d. XVIII. Julii. A. O. R. M. DC. XCVII.



Universitäts- und Landesbibliothek Sachsen-Anhalt

urn:nbn:de:gbv:3:1-383452-p0017-4

DFG



Jena, Diss., 1697 (1)


ULB Halle
004 389 646

3

Mus 11+15


W.M.





Farbkarte #13

B.I.G.
Centimetres
Inches



1697,21
26
VILDVOGELII. JC.

AXO - VINAR. AULICE
NTECESS.

TRID. h.t. DECANI

DE

NTIBVS.

ad
dignit, ordo serv.

INAVGVRALE.

J. A.O.R. M. DC. XCVII

ENÆ,
ullerianis 1697,